

**Da: QUESTO MATRIMONIO SI FARA'...SALVO BRAVATE!**

rivisitazione in chiave comico-brillante

del romanzo "I promessi sposi" di Alessandro Manzoni.

Riduzione teatrale in 2 atti trasposta in vernacolo sampietrese e

portata in scena dalla Bottega di Teatro & Altro "A Via Nova" di S. Pietro in Guarano.

testi e musiche di Aldo Mazza

anno 2006

***INNOMINATO: (si guarda attorno notevolmente turbato, in preda allo sconforto)***

No! No! No!

Un ce puozzu crirere ca ssa disperata, prumissa a nnu zappature, pò essere cussì!

U mma pensava che i due guagliuni aru serviziu miu, avianu dittu a verità; accan'atru pocu unu di i dua se mintia a ciangere.... E iu ca pensava ca l'avia de licenziare .....

Puru a vecchiareddra, serva mia a tant'anni, mi l'avia cuntatu, ma iu sacciu ca iddra e bbona, se dispiace de tuttu e ppe tutti tene na parola duce. E ppe chissu u l'haiu criruta.....

Eppuru mò ca ciau parratu iu ccu Lucia... ancora quasi un ce criu.

Tuttu me potia aspettare: chianti, strepiti, le suppliche d'aiutu e de pietà. Nente e tuttu chissu!

Ma cumu è possibile?

Come è possibile che una serva ignorante, figlia del popolo, senza cultura, senza un lavoro, senza un soldo, senza amicizie importanti non abbia paura di me?

E non invochi la libertà, strisciando ai miei piedi, chiedendo pietà per sé e per la sua famiglia?

Nente!

Un ma circatu aiutu, un ma circatu misericordia

Ma rispusu sulu ccu tanta dignità.

E poche risposte, sicche cumu a purvere aru sule e lugliu, chiare cumu l'acqua d'u jume, precise cumu l'ure ca vatte u rirogiu dindra ssu campanile.

***(si muove ancora più agitato)***

U riesciu a dormire stanotte, un puozzu!

Un ma criria ca potia fare chiu dannu na parola ditta bbona, ca lama e nu curtieddru.

Iu ne haji ammazatu gienti, e tanti ne haiu fattu ammazzare, ma chissa ccu due parole ha ammazzatu a mmie!

U potere è bellu.

A giente te rispetta, ma un tienu u benne de nessun: se spagnanu de tie ppe chiru ca rappresenti, te fannu sorrisi ed inchini, ma pecchi ti la ne fare, no pecchi u sentunu, no ppe chiru ca si daveru!

Iu tiegnu tuttu e a tutti cummannu. U haiu e dare cuntutu a nuddru!

Signu riccu, campu cumu vuogliu e puozzu decidere si unu adde vivere o morire.

Signu importante e me sientu ranne ppe a paura chi l'atri tenenu e mie, ma cussì faciennu me staiu abbiannu puru iu versu a morte.

O forse dindra signu già muortu .....

***(riprende fiducia)***

Un vuogliu cchiu essere cussi.

De oje vuogliu cangiare!

Vuogliu chi i gienti me salutanu cumu se salutano tra de iddri: ccu piacere, ccu amicizia, ccu affettu

"Dio perdona tante cose ppe n'opera de misericordia": chissu m'ha dittu Lucia.

Po darsi ca Dio ancora ppe mie po avire misericordia.

Signu iu ca oje circu a Iddru n'aiutu ppe cangiare e a pietà ppe tuttu chiru c'haiu fattu.....

***(poi voltandosi verso valle, albeggia e s'ode un suono di campane)***

Ma chisse su e campane e San Franciscu!

È gia matina e cumu è bellu su sonu de campane....

Un l'avia mai sentute, eppuru chisse sonanu ogni journu are sie.....

O forse stamattina iu le sientu pecchi .....

pecchi ncunu ddra supra ha sentutu a mmie.....I

A chiru cioutu du compare miu, a don Rogriguez, ce dicu ca add'aspettare... ca Lucia sta ccu mmie ncunatru juornu ...

e pue se vire....

Ma iu, ssa guagliuna a liberu.....

***(Esce rapido per la comune, soddisfatto per la decisione presa)***